



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Stephanus Episcopus, Sueciæ, & Helsingæ Apostolus, & martyr. cap. XXXIX.

urn:nbn:de:hbz:466:1-38397

harum nonnullæ ad Zachariam Papam, & Gregorium II. extant impressæ in tomo 2. Conciliorum. Vitam S. Liutini Episcopi, & Martyris: quam extare MS. refert Molanus. Vitam S. Lebuini Episcopi, & aliorum nonnullorum Sanctorum.

S. STEPHANVS EPISCOPVS,
Sueciæ, & Helsingæ Apostolus,
& Martyr.

qui

*Non sibi soli laborauit, sed omnibus exquirentibus
veritatem. Eccles. 24. Cap. XXXIX.*



ANCTVS etiam Stephanus Vpsalensis Ecclesiæ, in Suecia, tertius Episcopus, & in cœnobio S. Viti Corbeix Saxonica ab adolescentia educatus, sub regula S. P. N. Benedicti, & congregatione Luxoniensi Gallica, ille qui primum S. Ansgario in Suetica messe successit, nullo modo censendus est Apostolica laude priuandus. Nam postquam amplissimo honore a Rege Stenchillo, & populo terræ in ciuitate Sigtuniensi exceptus fuit, & illam ciuitatem (quæ tunc inter maiores regni Sueciæ habebatur) cum tota uicina regione ad Christum conuertisset, seque ad Metropolim regni, Vpsala hodie uocatur, contulisset, Idolorum simulachra euersurus, inimico humani generis sic agente, & ab inepto proposito prohibitus est, insuperq; virgis cæsus, & lapidibus obrutus. Sed vir Dei gaudens pro nomine LESV contumelias, & verbera pati, ut olim Ecclesiæ primitiæ Principes, ex persecutionib. fortior surrexit. Stephanus enim non timore mortis quam se pro Christo tandem passurum nouit, sed zelo propagandæ religionis relicta Vpsalia, ad Helsingensem provinciam se transtulit, quâ cum integram suis prædicationibus ab Idolorum cultura reuocasset, tandem decurso tam laudabili stadio, cum nihil aliud restaret, nisi ut mercedem laborum suorum reciperet gloriosam, placuit Deo omnium bonorum auctori, ut per palmam martyrii, coronam, & felicitatem consequeretur æternam. Itaque in terris Helsingorum, quorum primus, & præcipuus Apostolus erat, martyrio coronatus est, anno Domini circiter 850. Depictus vero Episcopi habitu, in

T T t 2 poste-

posteriori pluuiialis parte, Arma Succia, tres uidelicet coronas aureas in stamine cæruleo, pro uictoriæ suæ trophæo reportat. Ioannes Magnus de Episcopis Upsalie, lib. 1. & alij ad ipso mutati.

S. RINALDVS PALATINVS, & Martyr.

qui Defensor fidei,

Sicut fortis egredietur, & sicut vir præliator suscitabit zelum. Isa. 42. Cap. XL.



Qui sexto huius Rami loco Monachi habitu, Equitisque in Tabula depicti forma conspicitur, is est S. Rinaldus, Franciæ Palatinus, & Martyr; mentione tantum hic à nobis appositus, quod dum iuxta pro sacrosanctæ Fidei defensione, magnos sepe contra Infideles labores sustinuerit, ut eius gesta testantur; & tandem pro pietate tuenda, Monachus iam factus in Monasterio S. Pantaleonis Coloniz, ab impiis lapicidis occisus, & in puteum proiectus, cum martyrii palma ad cælos euolauerit, die septimo Ianuarij. Vnde de eo sic quidam Versificator cant;

Rinaldo il Paladin, figliuol d'Aimone,

Son'io, che à Chiarello, e al Rè Mambrino

E à quanti fur del popol di Macone

Fè sentir di Frisberta il taglio fino.

Tremana à lo sbarar del mio Leone

L'inimico lontan, come el uicino;

Ma la mia cruda, e tremebonda sorte

Da quattro Murador mi fè dar morte.

Trittemius de uirill. Ord. S. Bened. lib. 3. c. 249. Molanus in addit. ad Ussardum, & F. Petrus Cratopolius de Episcopis Germaniæ.